

ПЕДАГОГИКАЛЫҚ ӘДЕП ЖӨНІНДЕГІ КЕҢЕСТІҢ №3 ОТЫРЫСЫНЫҢ ХАТТАМАСЫ

11 наурыз 2025 жыл

Қатысқандар: 10 педагог

Қатыспағандар: жоқ

КҮН ТӘРТІБІНДЕ:

1. Педагогтардың құқықтары мен міндеттері.
2. Педагогтардың көпшілік ортадағы әдеп-этикалық нормалары.
3. Балабақшадағы педагогикалық әдепті қамтамасыз ету және сақтау.

ТЫНДАЛДЫ:

Бірінші мәселе бойынша педагогикалық әдеп жөніндегі кеңестің төрайымы Р. Чуйтанова сөз сөйледі.

Р.Чуйтанова өз баяндамасында педагогтардың құқықтары мен міндеттері Қазақстан Республикасының қолданыстағы заңнамаларымен қорғалатынын атап өтті. Педагог өзінің кәсіби қызметін жүзеге асыру барысында қауіпсіз және қолайлы еңбек жағдайымен қамтамасыз етілуге, біліктілігін арттыруға, шығармашылық және кәсіби әлеуетін дамытуға құқылы екендігін айтты.

Сонымен қатар педагогтердің білім беру үдерісін ұйымдастыруда өз тәжірибесіне сүйене отырып тиімді әдіс-тәсілдерді қолдануға, кәсіби пікірін еркін білдіруге және балабақшаны басқарудың алқалы органдарының жұмысына қатысуға мүмкіндігі бар екендігін түсіндірді.

Баяндамашы педагогтің құқықтарымен қатар жауапкершілігі де жоғары екенін атап өтті. Әрбір педагог тәрбиеленушілердің өмірі мен денсаулығын қорғауға, олардың құқықтары мен заңды мүдделерін сақтауға, білім беру қызметінің сапасын қамтамасыз етуге міндетті екенін айтты. Сонымен қатар педагогтердің кәсіби біліктілігін үздіксіз жетілдіруі, педагогикалық әдеп қағидаларын қатаң сақтауы және ата-аналармен өзара сыйластыққа негізделген қарым-қатынас орнатуы қажеттігіне тоқталды.

Сөз соңында төрайым педагогтердің өз құқықтарын білуі олардың кәсіби қызметін сапалы ұйымдастыруға және түрлі мәселелерді заң аясында шешуге мүмкіндік беретінін атап өтті.

Екінші мәселе бойынша кеңес мүшесі Г.Утегенова сөз сөйледі.

Г.Утегенова педагогтердің көпшілік ортадағы әдеп-этикалық нормалары туралы баяндама жасады. Ол педагогтің мінез-құлқы мен іс-әрекеті тек жұмыс орнында ғана емес, қоғамда да үлгі болуы қажеттігін атап өтті. Педагог қай ортада болмасын өзінің кәсіби мәртебесіне сай әрекет етіп, мәдениеттілік пен адамгершілік қасиеттерді сақтауы тиіс екендігін айтты.

Баяндамашы әлеуметтік желілерде ақпарат жариялау кезінде сақтық таныту, тәрбиеленушілер мен олардың ата-аналары туралы мәліметтерді жарияламау, қоғамдық орындарда дөрекі сөздер мен жағымсыз әрекеттерге жол бермеу қажеттігін түсіндірді.

Сонымен қатар педагогтің сөйлеу мәдениеті, адамдармен қарым-қатынас жасау әдебі, киім үлгісі мен жалпы жүріс-тұрысы оның кәсіби беделін қалыптастыратынын айтты. Балабақша қызметкерлері әрқашан балаларға өнеге бола отырып, қоғамда педагог мамандығының абыройын көтеруге үлес қосуы қажет екендігі ерекше атап өтілді.

Талқылау барысында педагогтер тарапынан көпшілік ортадағы мінез-құлық мәдениеті, әлеуметтік желілердегі жауапкершілік және ата-аналармен байланыс мәселелері бойынша пікірлер айтылып, ұсыныстар берілді.

Үшінші мәселе бойынша кеңес мүшесі Ж.Балгабаева сөз сөйледі.

Ж.Балгабаева балабақшада педагогикалық әдепті қамтамасыз ету және сақтау мәселесіне тоқталды. Ол педагогикалық әдеп ұжымдағы жағымды моральдық-психологиялық ахуалды қалыптастырудың маңызды факторы екенін атап өтті.

Баяндамашы педагогикалық әдептің негізі өзара құрмет, сенім, әділдік және жауапкершілік қағидаттарына сүйенетінін айтты. Педагогтер тәрбиеленушілерге, ата-аналарға және әріптестеріне құрметпен қарап, кез келген жағдайда сабырлылық пен ұстамдылық танытуы қажет екендігі түсіндірілді.

Сонымен қатар балабақша ұжымында педагогикалық әдептің сақталуы еңбек тәртібін нығайтуға, ұжымдық мәдениетті арттыруға және білім беру қызметінің сапасын жақсартуға ықпал ететіні айтылды. Педагогикалық әдеп талаптарын сақтау арқылы ұйымдағы өзара түсіністік пен ынтымақтастық нығая түсетініне назар аударылды.

Ж.Балгабаева педагогтердің кәсіби мәдениетін дамыту мақсатында тәжірибе алмасу кездесулерін, пікірталастар мен семинарларды тұрақты өткізіп отыруды ұсынды.

СӨЗ СӨЙЛЕДІ:

Тәрбиеші Г.Убайдуллаева сөз алып, педагогикалық әдепті сақтау әрбір педагогтің кәсіби міндеті ғана емес, азаматтық жауапкершілігі екенін айтты. Ол балалардың тәрбиешінің әрбір әрекетін бақылап, өздеріне үлгі ететінін атап өтті. Сондықтан педагогтердің күнделікті жұмыс барысында мәдениетті қарым-қатынас орнатып, кәсіби этиканы ұстануы маңызды екенін жеткізді.

Әдіскер Ж.Балгабаева сөз сөйлеп, балабақшадағы жағымды психологиялық ахуалдың қалыптасуы педагогтердің өзара сыйластығына байланысты екенін айтты. Ұжымда бірлік пен түсіністік болған жағдайда жұмыс сапасы артып, балаларға берілетін тәрбие де нәтижелі болатынын атап өтті.

ҚОРЫТЫНДЫ СӨЗ:

Кеңес төрайымы Р.Чуйтанова қаралған мәселелердің маңыздылығына тоқталып, педагогикалық әдеп талаптарын сақтау балабақша қызметінің сапасын арттыруға ықпал ететінін айтты. Барлық педагогтерді кәсіби мәдениетті сақтауға, заң талаптарын орындауға және өз қызметтеріне жауапкершілікпен қарауға шақырды.

КЕҢЕС ШЕШІМІ:

1. Педагогтардың құқықтары мен міндеттері туралы ақпарат педагогтерге тұрақты түрде түсіндіріліп отырсын.
2. Педагогтердің көпшілік ортадағы әдеп-этикалық нормаларды сақтау деңгейі бақылауда ұсталсын.
3. Балабақшада педагогикалық әдеп қағидаларын сақтау және насихаттау бойынша жұмыстар жалғастырылсын.
4. Педагогтердің кәсіби мәдениетін дамыту мақсатында семинарлар, дөңгелек үстелдер және тәжірибе алмасу шаралары ұйымдастырылсын.
5. Осы хаттамада қабылданған шешімдердің орындалуы келесі кеңес отырысында қаралсын.

Кеңес төрайымы:  Р.Чуйтанова

Хатшы:  Ж.Балгабаева